



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KТРО 0020522 21

Sarajevo, 28.02.2022. godine

SUD BOSNE I HERCEGOVINE

SARAJEVO

- Sudiji za prethodno saslušanje -

Na osnovu odredbi člana 35. stav 2. tačka i) i odredbi člana 226. stav 1. u vezi sa odredbama člana 227. Zakona o krivičnom postupku Bosne i Hercegovine (u daljem tekstu ZKP BiH) podižem:

OPTUŽNICU

Protiv:

JEVTIĆ MIĆO, rođen [REDACTED] 1956. godine u mjestu Tabanci,

Što je:

Dana 16.04.2021. godine, oko 12.05. sati, prilikom ulaska u Bosnu i Hercegovinu iz Republike Crne Gore, na MGP Deluša, opština Trebinje, upravljajući kao vozač teretnim motornim vozilom marke „MAN“, registarskih oznaka [REDACTED], sa priključnim vozilom (prikolica) marke „MOL“, registarskih oznaka [REDACTED] prevozeći robu (rudu boksit) za uvoznika „Alumina“ d.o.o. Zvornik, po računu broj: [REDACTED] od 16.04.2021. godine, koju je uredno prijavio za konačno carinjenje, svjestan da preko carinske linije prenosi i sakrivenu robu veće vrijednosti (cigarete) bez ikakve popratne dokumentacije, htijući to, izbjegavši mjere carinske kontrole, postupio suprotno odredbama članova 48., 51., 52., i 53. Zakona o carinskoj politici BiH („Sl. glasnik BiH“ broj: 58/2015), kojim je propisano da sva roba koja se unosi u carinsko područje BiH podliježe carinskom nadzoru od trenutka unošenja i da navedenu robu odmah predočava lice koje je robu unijelo u carinsko područje BiH, koje se prilikom predočavanja dužno pozvati na ulaznu ili carinsku deklaraciju koja je za tu robu prethodno podnesena prije samog unošenja robe, i nakon kojeg predočavanja carinski organ može robu pregledati ili uzeti uzorke, te prenio preko carinske linije i robu veće vrijednosti, ukupne vrijednosti od oko 147.325,00 KM i to: 3500 paklica cigareta marke „Donatela“, 2000 paklica cigareta marke „Ibiza“, 6500 paklica cigareta marke „Most“, 2000 paklica cigareta marke „Royal Blue“, 500 paklica cigareta marke „Manchester Red“, 5000 paklica cigareta marke „Corset“, 6000 paklica cigareta marke „Maco extra filter“ i 1250 paklica cigareta marke „Manchester

Black", sve bez važećih akciznih markica BiH, kojom prilikom navedene cigarete-robu svjesno nije prijavio carinskom organu, znajući da iste nisu bile naznačene na računu broj: [REDACTED] od 16.04.2021. godine koji je prethodno podnio carinskom organu u odnosu na rudu boksit koju je prijavio, dok su navedene cigarete ostale skrivene u tovarnom prostoru prikolice, ispod rude boksita, a sve kako bi navedenim radnjama ostvario protivpravnu imovinsku korist,

Dakle, izbjegavajući mjere carinske kontrole, preko carinske linije prenio robu veće vrijednosti,

Čime je počinio krivično djelo Krijumčarenje iz odredbe člana 214. stav 1. Krivičnog Zakona BiH.

TUŽILAC
TUŽILAŠTVA/TUŽITELJSTVA BIH